



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nomenclator Sanctae Romanae Ecclesiae Cardinalium Qvi
Ab Anno Christi Millesimo quippiam commentati sunt, Sev
Ab Eo Tempore quo Pontificis electione ad eos tantum ob
Romani cleri multitudinem ...**

**La Rocheposay, Henri-Louis Chasteigner de
Tolosae, 1614**

Ab Alexandro VI. Creati.

urn:nbn:de:hbz:466:1-10735

sed vt fertur nondum euulgatus. Romæque iacet
in æde S. Mariæ de Populo.

AB ALEXANDRO VI. CREATI.

IOANNES MORTON Cardinalis Anglus & Ar-
chiepiscopus Cantuariensis, quædam scripsit, vt refert
author Catalogi scriptorum Angliæ. Obit anno
1500. Cantuariæ sepultus.

IOANNES ANTONIVS de Sancto Georgio Medio-
lanensis ex Episcopo Alexandrino Cardinalis, æui sui
Iurisconsultorum Princeps habitus est, vt refert Corte-
sus, scripsitque

Lecturas ad Decretum.

Lecturas super Decretales.

Commentaria in quartum Decretalium.

In tit. secundi Decretalium de Appellationibus.

De Feudis.

Tractatus multos in varios vtriusque Iuris titulos.

Orationem in Dominica Passionis coram Sum-
mo Pontifice habitam.

Et alia quædam. Obit Romæ anno 1509. Se-
pultusque est in æde S. Celsi Camillo Porcario
in eius funere orante, vbi hoc habet Epitaphiū.

*D. O. M. Hic sepultum est corpus Domini Ioannis Antonij
de Sancto Georgio Mediolanensis Episcopi Sabinensis, S. R. E.
Cardinalis Alexandrini nuncupati. Societas Salvatoris ad San-
cta Sanctorum hæres ex testamento. B. M. posuit 1511.
7. kal. Decembris.*

IOANNES DE LA GROLAYE Gallus ex Epif-
copo Lombariensi ad Cardinalatus fastigium euectus;
scripsit

In libros Sententiarum.

Sermones ad Populum.

Collationes habitas cum Clero, &

Orationem ad Summum Pontificem, & Cardinalium cætum. Obiit Romæ anno 1499

BERNARDINVS CARVAIAL Hispanus ex Episcopo Carthaginensi Cardinalis, Orationes plures habuit, quarum tres tantùm variis locis editæ sunt, videlicet

Ad Cardinales de eligendo Pontifice Innocentio 8. defuncto.

Ad Sixtum 4. & Cardinalium Collegium in Sacello Pontificio. Et

Ad Maximilianum Imperatorem. Sepultus est Romæ in æde sanctæ Crucis in Ierusalem. Vincentio Pimpinellâ in eius funere orante, vbi hoc legitur Epitaphium.

Bernardino Caruaial natione Hispano, patriâ Placentino, Episcopo Ostiensi, Cardinali Sanctæ Crucis, ob egregias virtutes, doctrinamque in sacris literis singularem ab Alexandro 6. Pontice Maximo, in numerum Patrum ascito, pluribus Legationibus pro Republica Christiana functo integrè sapienterque, prosperâ fortunâ moderatè, aduersâ constanter vso, per omnem vitam pio ac religioso, vixit annos 67. menses 3. dies 8. Obiit 17. Kal. Ianuarij an. 1523.

Hic Bernardinus Caruaial S. R. E. Cardinalis Episcopus Ostiensis quiescit donec ad aeternam resurgat vitam.

RAYMUNDVS PERAVLD Surgeriis in Xantonibus natus, Ibidemque S. Ægidij Prior, ex Episcopo Gurcensi & Apostolicæ Sedis per Germaniam Nuncio Cardinalis, scripsit

De dignitate Sacerdotali super omnes Reges terræ.

De actis suis Lubeci & in Dacia

Libellos varios olim in Germania excusos.

Epistolas aliquot ad Capnionem & alios. Viterbii iacet in Ecclesia Augustinianorum cum hoc Epitaphio.

Raimundus Perauldi Patriæ suæ Xantonensis Episcopus, ac S.R.E. presbyter Cardinalis Gurcensis, proque ea Legatus, adeo opulentia contemptor, ut elargiendo nihil sibi relinqueret; ab Iulio tamen 2. Pontif. Maximo ditatus, dum Patrimonij legatione fungitur, Viterbij obiit Nonis Septembris anno Salutis 1505. utque ab Iulio tradita solùm retinere occæperat, sic monumentum hoc haud quæsitum reuerentia eiusdem approbare credendum est. Vixit annos 70.

HIPPOLITVS ESTENSIS, Herculis 1. Ferrariæ Ducis Filius ex Episcopo Agriensi & Archiepiscopo Strigoniensi Cardinalis, Ludouicum Ariostum & Franciscum Nigrum in famulatio habuit, scripsitque vernaculâ linguâ.

Librum à Cœlio Calcagnino postea latinitate donatum, de nauali certamine quo anno 1509. Venetorum Classem fudit. Obiit anno 1520 Sepultusque est in Cathedrali Ferrariensi Cœlio Calcagnino in eius funere orante.

DOMINICVS GRIMANVS Antonij Venetiarum Ducis Filius Cardinalis (cui Sabellicus, Niphus, Erasmus & Picus Mirandula, libros inscripserunt) instructissimam 8000. voluminum Bibliothecam & quædam ingenii sui monumenta reliquit. Operum eius tomus quidam extat manuscript in Bibliotheca Cardinalis Sirleti.

De intensione & remissione scripsit etiam, vt refert Tossignanus.

Epistolasque aliquot ad Sabellicum, Erasmum, & alios. Non solum autem doctrinâ, sed etiam singulari pietate præditus fuit; Cum enim Venetiis Pater eius reus à rerum capitalium Ministris in carcerem deduceretur, in ipsa purpura patris compedum pondera, dum scalas ascenderet, sacratis manibus sustinuit. Romæ sepultus est in æde Sanctorum Ioannis & Pauli, cum hoc Epitaphio: Baptista Cœlio in eius funere orante.

Dominico Grimano Episcopo Portuensi, Cardinali S. Marci, Patriarchæ Aquileiensi, inculpatisimæ vitæ, omnium scientiarum peritissimo, temporaneum depositum Nepotes pietissimi possuerunt luctu totius orbis. Vixit annos 62. menses 6. dies 8. Obijt 27. Augusti 1523.

ALEXANDER FARNESIVS Cardinalis, demùm Paulus Papa 3. opum quibus Farnesiana domus immensum pollet primus accumulator: Pomponio Læto omnium id temporis humaniora profitentium principi, in disciplinam traditus; Græcas literas, nec non disciplinas mathematicas apprimè calluit. Adolescens, Ciceronis Epistolas ad Atticum magno eruderauit studio, & interposito hinc inde iudicio declarationibus illustravit, vt refert Petrus Victorius, multumque in poetica profecit, vt author est Lilius Gregorius Giraldus. Extant 13. eius Epistolæ ad Federicum Nauscæm, Erasmum (quem in Cardinalium ordinem allegere decreuerat) Cortesium & alios. Pluresque eruditissimos viros Cardinalibus accensuit quo firmiter munimentis insisteret Ecclesia.

Obiit an. 1549. Sepultus in Basilica Vaticana cum hoc Epitaphio.

Paulo 3. Farnesio Pontifici Optimo Maximo.

BERNARDINVS LONATI Papiensis Cardinalis scripsit

Pronosticen ad Alexandrum 6. Manuscript. in Bibliotheca Cardinalis Sirleti iacetque Romæ in æde S. Mariæ de Populo cum hoc Epitaphio.

Bernardino Lonati S. Cyriaci in Thermis Diacono Cardinali, cui Fortuna generosos natales, Natura corporis dignitatem, animique solertiam, virtus vero ut in Patrum honoratissimorum collegium cooptaretur, indulserat: qui cum in dies & foris & domi egregiam, pro sancta Romana Ecclesia nauando operam, prudentiâ, constantiâ, fide maior insurgeret, ætatis suæ 45. Sacerdotij vero quarto anno è tanta rerum expectatione, immaturâ morte surripitur.

IOANNES STEPHANVS FERRERIVS ex Opido Biello Vercellensis diœccsis, Cardinalis & Episcopus Bononiensis, rei literarię cultor exactissimus, suo labore & industriâ effecit, vt Aristotelis magna moralia, prisca sæculis numquam præcognita, nobis communia fecerit Iacobus Faber Stapulensis; qui ea sub eiusdem Cardinalis auspicio, felici refectione typis mandauit: vt notat author anonymus qui Trithemium de scriptoribus Ecclesiasticis suppleuit, Romæ in æde S. Clementis hoc habuit Epitaphium.

Ioanni Stephano Ferrerio Sanctorum Sergij & Bacchi presbytero Cardinali Bononiensi, viro sanctitate doctrinâque insigni. Vixit. an. 36. menses 5. Obiit an. 1510. 3. Nonas Octobris. Iulio Pontifice Max.

FRANCISCVS SODERINVS ex Episcopo Volaterrano Cardinalis, Pisis ius Cæsareum & Pontifi-

cium incredibili auditorum frequentia & admiratione, nunquam rarefcenti auditorio, Philippo Decio acri æmulo concurrente, interpretatus est: scripsitque, ut author est Pocciantius, complura notitia dignissima, decretorum difficultates enodantia, sed impolita, & quibus extrema desit manus. Obijt Romæ an. 1524. sepultusque est in æde. S. Mariæ de populo cum hoc epitaphio.

Francisci Soderini Episcopi Ostiensis & Volaterrani depositum.

HADRIANVS CASTELLENSIS Cornetanus Italus, ex Episcopo Erfordiensis, & Bathoniensis Cardinalis, primus omnium memoriâ nostra fuit, qui post Ciceronis sæculum suis scriptis mortales ad perfectas literas ex probatissimis authoribus hauriendas excitauit: scripsit autem latinissimè tersâ & defecatâ dictione.

De modis latinè loquendi.

De vera Philosophia libros 4. ex quatuor. Ecclesiæ Doctoribus, conscriptos, variâ eruditione & multa pietate refertos.

Venationem ad Ascanium Sfortiam Cardinalem versibus Phaleucis.

Iterque Iulii Papæ 2. versibus Heroicis? Obiit circa annum 1518. Sed quo loco incertum: tentatis enim sub Leone x. Pontificatus arcanis, ex spes vitæ ubi facinus in aperto esse subsensit, in umbrante vesperâ arto comitatu Româ egressus est; suffugium procul vrbe quæsiturus, imminentemque perniciem voluntario exilio præuertere fatius duxit.

A IULIO II CREATI.
GALEOTVS FRANCIOTVS de Ruuere, ciuis &